



翻刻
 南宗論語
 坤

仁 12
 1708
 2止

早稻田大學附屬圖書館
 寄第
 第 號
 第 卷
 出帶許不外館書此



門
卷
1706
2止

論語先進第十一

子曰先進於禮樂

樂君子也如用之則吾從先進

從我於陳秦者曾不及門者也

顏淵問子夏子曰仲弓言

子貢政事仲弓曰仲弓

言仁也



論語先進第十一

十一

何晏集解

子曰先進於禮樂野人也後進於禮

樂君子也如用之則吾從先進子曰

從我於陳蔡者皆不及門者也德行

顏淵閔子騫冉伯牛仲弓言語宰我

子貢政事冉有季路文學子游子夏

子曰回也非助我者也於吾言無所



不說子曰孝哉閔子騫人不間於其
父母昆弟之言南容三復白圭孔子
以其兄之子妻之季康子問弟子孰
為好學孔子對曰有顏回者好學不
幸短命死矣今也則亡未聞好學者
顏淵死顏路請子之車子曰才不才
亦各言其子也鯉也死有棺而無槨

吾不徒行以為之槨以吾從大夫之
後吾以不可徒行也顏淵死子曰噫
天喪予天喪予顏淵死子哭之慟從
者曰子慟矣子曰有慟乎非夫人之
為慟而誰為顏淵死門人欲厚葬之
子曰不可門人厚葬之子曰回也視
予猶父也予不得視猶子也非我也

夫二三子也季路問事鬼神子曰未
能事人焉能事鬼曰敢問死曰未知
生焉知死閔子騫侍側閭閻如也
子路行行如也冉子子貢侃侃如也
子樂若由也不得其死然魯人爲長
府閔子騫曰仍舊貫如之何何必改
作子曰夫人不言言必有中子曰由

之鼓瑟奚爲於丘之門門人不敬子
路子曰由也升堂矣未入於室也子
貢問師與商也孰賢子曰師也過商
也不及曰然則師愈與子曰過猶不
及季氏富於周公而求也爲之聚斂
而附益之子曰非吾徒也小子鳴鼓
而攻之可也柴也愚參也魯師解也

由嘯也子曰回也其庶乎屢空與不
受命而貨殖焉億則屢中子張問善
人之道子曰不踐迹亦不入於室子
曰論篤是與君子者乎色莊者乎子
路問聞斯行諸子曰有父兄在如之
何其聞斯行之冉有問聞斯行諸子
曰聞斯行之公西華曰由也問聞斯

行諸子曰有父兄在求也問聞斯行
諸子曰聞斯行之赤也惑敢問子曰
求也退故進之由也兼人故退之子
畏於匡顏淵後子曰吾以女爲死矣
曰子在回何敢死季子然問仲由冉
求可謂大臣與子曰吾以子爲異之
問曾由與求之問所謂大臣者以道

事君不可則止今由與求也可謂其
臣矣曰然則從之者與子曰弑父與
君亦不從也子路使子羔爲費宰子
曰賊夫人之子子路曰有民人焉有
社稷焉何必讀書然後爲學子曰是
故惡夫佞者子路曾皙冉有公西華
侍坐子曰以吾一日長乎爾無吾以

也居則曰不吾知也如或知爾則何
以哉子路率爾而對曰千乘之國攝
乎大國間加之以師旅因之以饑饉
由也爲之比及三年可使有勇且知
方也夫子哂之求爾何如對曰方六
七十如五六十求也爲之比及三年
可使足民如其禮樂以俟君子未

何如對曰非曰敢能之願學焉宗廟
之事如會同端章甫願爲小相焉點
爾何如鼓瑟希鏗爾舍瑟而作對曰
異乎三子者之撰子曰何傷乎亦各
言其志也曰莫春者春服旣成得冠
者五六人童子六七人浴乎沂風乎
舞雩詠而歸夫子喟然歎曰吾與點

也三子者出曾皙後曾皙曰夫三子
者之言何如子曰亦各言其志也已
矣曰夫子何哂由也子曰爲國以禮
其言不讓是故哂之唯求則非邦也
與安見方六七十如五六十而非邦
也者唯赤則非邦也與宗廟之事如
會同非諸侯如之何赤也爲之小孰

能為之大

論語顏淵第十二

顏淵問仁子曰克已復禮為仁一日
克已復禮天下歸仁焉為仁由已而
由人乎哉顏淵曰請問其目子曰非
禮勿視非禮勿聽非禮勿言非禮勿
動顏淵曰回雖不敏請事斯語矣仲

弓問仁子曰出門如見大賓使民如
承大祭已所不欲勿施於人在邦無
怨在家無怨仲弓曰雍雖不敏請事
斯語矣司馬牛問仁子曰仁者其言
也訥曰其言也訥斯可謂之仁已乎
子曰為之難言之得無訥乎司馬牛
問君子子曰君子不憂不懼曰不憂

不懼斯可謂君子已乎子曰內省不
疚夫何憂何懼司馬牛憂曰人皆有
兄弟我獨亡子夏曰商聞之矣死生
有命富貴在天君子敬而無失與人
恭而有禮四海之內皆為兄弟也君
子何患乎無兄弟也子張問明子曰
浸潤之譖膚受之愬不行焉可謂明

也已矣浸潤之譖膚受之愬不行焉
可謂遠也已矣子貢問政子曰足食
足兵使民信之矣子貢曰必不得已
而去於斯三者何先曰去兵曰必不
得已而去於斯二者何先曰去食自
古皆有死民不信不立棘子城曰君
子質而已矣何以文為子貢曰惜乎

夫子之說君子也駟不及舌文猶質也質猶文也虎豹之鞞猶犬羊之鞞哀公問於有若曰年飢用不足如之何有若對曰盍徹乎曰二吾猶不足如之何其徹也對曰百姓足君孰與不足百姓不足君孰與不足百姓不足君孰與足子張問崇德辨惑子曰主忠信徙義崇德也愛

之欲其生惡之欲其死旣欲其生又欲其死是惑也誠不以富亦祇以異齊景公問政於孔子孔子對曰君君臣臣父父子子公曰善哉信如君不君臣不臣父不父子不子雖有粟吾豈得而食諸子曰片言可以折獄者其由也與子路無宿諾子曰聽訟吾

猶人也必也使無訟乎子張問政子曰居之無倦行之以忠子曰君子博學於文約之以禮亦可以弗畔矣夫子曰君子成人之美不成人之惡小人反是季康子問政於孔子孔子對曰政者正也子帥而正孰敢不正季康子患盜問於孔子孔子對曰苟子

不欲雖賞之不竊季康子問政於孔子曰如殺無道以就有道何如孔子對曰子為政焉用殺子欲善而民善矣君子之德風也小人之德草也草尚之風必偃子張問士何如斯可謂之達也子曰何哉爾所謂達者矣子張對曰在邦必聞在家必聞子曰是

聞也非達也夫達者質直而好義察
言而觀色慮以下人在邦必達在家
必達夫聞者色取仁而行違居之不
疑在邦必聞在家必聞樊遲從遊於
舞雩之下曰敢問崇德脩慝辨惑子
曰善哉問先事後得非崇德與攻其
惡毋攻人之惡非脩慝與一朝之忿

忘其身以及其親非惑與樊遲問仁
子曰愛人問知子曰知人樊遲未達
子曰舉直錯諸枉能使枉者直樊遲
退見子夏曰嚮也吾見於夫子而問
知子曰舉直錯諸枉能使枉者直何
謂也子夏曰富哉是言乎舜有天下
選於衆舉皋陶不仁者遠矣湯有天

下選衆舉伊尹不仁者遠矣子貢問
友子曰忠告而善導之不則止無自
辱焉曾子曰君子以文會友以友輔
仁

論語卷第六

論語子路第十三

子路問政子曰先之勞之請益曰無

倦仲弓爲季氏宰問政子曰先有司
赦小過舉賢才曰焉知賢才而舉之
曰舉爾所知爾所不知人其舍諸子
路曰衛君待子而爲政子將奚先子
曰必也正名乎子路曰有是哉子之
迂也奚其正子曰野哉由也君子於
其所不知蓋闕如也名不正則言不

順言不順則事不成事不成則禮樂
不興禮樂不興則刑罰不中刑罰不
中則民無所措手足故君子名之必
可言也言之必可行也君子於其言
無所苟而已矣樊遲請學稼子曰吾
不如老農請學爲圃子曰吾不如老
圃樊遲出子曰小人哉樊須也上好

禮則民莫敢不敬上好義則民莫敢
不服上好信則民莫敢不用情夫如
是則四方之民襁負其子而至矣焉
用稼子曰誦詩三百授之以政不達
使於四方不能專對雖多亦奚以爲
哉子曰其身正不令而行其身不正
雖令不從子曰魯衛之政兄弟也子

謂衛公子荆善居室始有曰苟合矣
少有曰苟完矣富有曰苟美矣子適
衛冉有僕子曰庶矣哉冉有曰既庶
矣又何加焉曰富之曰既富矣又何
加焉曰教之子曰苟有用我者期月
而已可也三年有成子曰善人爲邦
百年亦可以勝殘去殺矣誠哉是言

也子曰如有王者必世而後仁子曰
苟正其身矣於從政乎何有不能正
其身如正人何冉子退朝子曰何晏
也對曰有政子曰其事也如有政雖
不吾以吾其與聞之定公問一言而
可以興邦有諸孔子對曰言不可以
若是其幾也人之言曰爲君難爲臣

不易如知爲君之難也不幾乎一言
而興邦乎曰一言而可喪邦有諸孔
子對曰言不可以若是其幾也人之
言曰予無樂乎爲君唯其言而樂莫
予違也如其善而莫之違也不亦善
乎如不善而莫之違也不幾乎一言
而喪邦乎葉公問政子曰近者說遠

者來子夏爲莒父宰問政子曰毋欲
速毋見小利欲速則不達見小利則
大事不成葉公語孔子曰吾黨有直
躬者其父攘羊而子證之孔子曰吾
黨之直者異於是父爲子隱子爲父
隱直在其中矣樊遲問仁子曰居處
恭執事敬與人忠雖之夷狄不可棄

也子貢問曰何如斯可謂之進矣子曰行已有耻使於四方不辱君命可謂士矣曰敢問其次曰宗族稱孝焉鄉黨稱悌焉曰敢問其次曰言必信行必果硜硜然小人哉抑亦可以爲次矣曰今之從政者何如子曰噫斗筲之人何足筭也子曰不得中行而

與之必也狂狷乎狂者進取狷者有所不爲也子曰南人有言曰人而無恒不可以作巫醫善夫不恒其德或承之羞子曰不占而已矣子曰君子而不同小人同而不和子貢問曰鄉人皆好之何如子曰未可也鄉人皆惡之何如子曰未可也不如鄉人

之善者好之其不善者惡之子曰君
子易事而難悅也悅之不以道不悅
也及其使人也器也小人難事而易
悅也悅之雖不以道悅也及其使人
也求備焉子曰君子泰而不驕小人
驕而不泰子曰剛毅木訥近仁子路
問曰何如斯可謂之士矣子曰切切

惓惓怡怡如也可謂士矣朋友切切
惓惓兄弟怡怡如子曰善人教民七
年亦可以即戎矣子曰以不教民戰
是謂棄之

論語憲問第十四

憲問耻子曰邦有道穀邦無道穀耻
也克伐怨欲不行焉可以爲仁矣子

曰可以爲難矣仁則吾不知也夫
士而懷居不足以爲士矣子曰邦有
道危言危行邦無道危行言遜子曰
有德者必有言有言者不必有德仁
者必有勇勇者不必有仁南宮适問
於孔子曰羿善射奭盪舟俱不得其
死然禹稷躬稼而有天下夫子不答

南宮适出子曰君子哉若人尚德哉
若人子曰君子而不仁者有矣夫未
有小人而仁者也子曰愛之能勿勞
乎忠焉能勿誨乎子曰爲命卑謹草
創之世叔討論之行人子羽脩飾東
里子產潤色之或問子產子曰惠人
也問子西曰彼哉彼哉問管仲曰人

也奪伯氏駢邑三百飯蔬食沒齒無
怨言子曰貧而無怨難富而無驕易
子曰孟公綽爲趙魏老則優不可以
爲滕薛大夫子路問成人曰若臧武
仲之知公綽之不欲卞莊子之勇冉
求之藝文之以禮樂亦可以爲成人
矣曰今之成人者何必然見利思義

見危授命久要不忘平生之言亦可
以爲成人矣子問公叔文子於公明
賈曰信乎夫子不言不笑不取乎公
明賈對曰以告者過也夫子時然後
言人不厭其言樂然後笑人不厭其
笑義然後取人不厭其取子曰其然
豈其然乎子曰臧武仲以防求爲後

於魯雖曰不要君吾不信也子曰晉
文公譎而不正齊桓公正而不譎子
路曰桓公殺公子糾召忽死之管仲
不死曰未仁乎子曰桓公九合諸侯
不以兵車管仲之力也如其仁如其
仁子貢曰管仲非仁者與桓公殺公
子糾不能死又相之子曰管仲相桓

公霸諸侯一匡天下民至于今受其
賜微管仲吾其被髮左衽矣豈若匹
夫匹婦之爲諒也自經於溝瀆而莫
之知也公叔文子之臣大夫僕與文
子同升諸公子聞之曰可以爲文矣
子曰衛靈公之無道也康子曰夫如
是奚而不喪孔子曰仲叔圉治賓客

祝鮀治宗廟王孫賈治軍旅夫如是
奚其喪子曰其言之不怍則其爲之
也難也陳成子弑簡公孔子沐浴而
朝告於哀公曰陳恒殺其君請討之
公曰告夫二三子孔子曰以吾從大
夫之後不敢不告也君曰告夫三子
者之二三子告不可孔子曰以吾從

大夫之後不敢不告也子路問事君
子曰勿欺也而犯之子曰君子上達
小人下達子曰古之學者爲己今之
學者爲人蘧伯玉使人於孔子孔子
與之坐而問焉曰夫子何爲對曰夫
子欲寡其過而未能也使者出子曰
使乎使乎子曰不在其位不謀其政

曾子曰君子思不出其位子曰君子
耻其言之過其行子曰君子道者三
我無能焉仁者不憂知者不惑勇者
不懼子貢曰夫子自道也子貢方人
子曰賜也賢乎我夫我則不暇子曰
不患人之不已知患己無能也子曰
不逆詐不億不信抑亦先覺者是賢

乎微生卣謂孔子曰丘何爲是栖栖
者與無乃爲佞乎孔子對曰非敢爲
佞也疾固也子曰驥不稱其力稱其
德也或曰以德報怨何如子曰何以
報德以直報怨以德報德子曰莫我
知也夫子貢曰何爲其莫知子也子
曰不怨天不尤人下學而上達知我

者其天乎公伯寮愬子路於季孫子
服景伯以告曰夫子固有惑志於公
伯寮也吾力猶能肆諸市朝子曰道
之將行也與命也道之將廢也與命
也公伯寮其如命何子曰賢者辟世
其次辟地其次辟色其次辟言子曰
作者七人矣子路宿於石門石門晨

門曰奚自子路曰自孔氏曰是知其
不可而爲之者與子擊磬於衛有荷
簣而過孔子之門者曰有心哉擊磬
乎既而曰鄙哉硜硜乎莫已知也斯
已而已矣深則厲淺則揭子曰果哉
未之難矣子張曰書云高宗諒陰三
年不言何謂也子曰何必高宗古之

人皆然君薨百官總已以聽於冢宰
三年子曰上好禮則民易使也子路
問君子子曰脩己以敬曰如斯而已
乎曰脩己以安人曰如斯而已乎曰
脩己以安百姓脩己以安百姓堯舜
其猶病諸原壤夷俟子曰幼而不孫
弟長而無述焉老而不死是爲賊以

杖叩其脛闕黨童子將命或問之曰
益者與子曰吾見其居於位也見其
與先生並行也非求益者也欲速成
者也

論語卷第七

論語衛靈公第十五

衛靈公問陳於孔子孔子對曰俎豆之事則嘗聞之矣軍旅之事未之學也明日遂行在陳絕糧從者病莫能興子路愠見曰君子亦窮乎子曰君子固窮小人窮斯濫矣子曰賜也女以予為多學而識之者與對曰然非與曰非也予一以貫之子曰由知德

者鮮矣子曰無為而治者其舜也與夫何為哉恭己正南面而已矣子張問行子曰言忠信行篤敬雖蠻貊之邦行矣言不忠信行不篤敬雖州里行乎哉立則見其參然於前也在與則見其倚於衡也夫然後行也子張書諸紳子曰直哉史魚邦有道如矢

邦無道如矢君子哉蘧伯玉邦有道則仕邦無道則可卷而懷之子曰可與言而不與言失人不可與言而與之言失言知者不失人亦不失言子曰志士仁人無求生以害仁有殺身以成仁子貢問爲仁子曰工欲善其事必先利其器居是邦也事其大夫

之賢者友其士之仁者也顏淵問爲邦子曰行夏之時乘殷之輅服周之冕樂則韶舞放鄭聲遠佞人鄭聲淫佞人殆子曰人而無遠慮必有近憂子曰已矣乎吾未見好德如好色者也子曰臧文仲其竊位者與知柳下惠之賢而不與立也子曰躬自厚而

薄責於人則遠怨矣子曰不曰如之
何如之何者吾未如之何也已矣子
曰群居終日言不及義好行小慧難
矣哉子曰君子義以為質禮以行之
孫以出之信以成之君子哉子曰君
子病無能焉不病人之不已知也子
曰君子疾沒世而名不稱焉子曰君

子求諸已小人求諸人子曰君子矜
而不爭群而不黨子曰君子不以言
舉人不以人廢言子貢問曰有一言
而可以終身行之者乎子曰其恕乎
己所不欲勿施於人子曰吾之於人
也誰毀誰譽如有可譽者其有所試
矣斯民也三代之所以直道而行也

子曰吾猶及史之闕文也有馬者借
人乘之今則亡矣夫子曰巧言亂德
小不忍亂大謀子曰衆惡之必察焉
衆好之必察焉子曰人能弘道非道
弘人也子曰過而不改是謂過矣子
曰吾嘗終日不食終夜不寢以思無
益不如學也子曰君子謀道不謀食

耕也餒在其中矣學也祿在其中矣
君子憂道不憂貧也子曰知及之仁
不能守之雖得之必失之知及之仁
能守之不莊以莅之則民不敬知及
之仁能守之莊以莅之動之不以禮
未善也子曰君子不可小知而可大
受也小人不可大受而可小知也

子曰民之於仁也甚於水火水火吾
見蹈而死者矣未見蹈仁而死者也
子曰當仁不讓於師子曰君子貞而
不諒子曰事君敬其事而後其食子
曰有教無類子曰道不同不相爲謀
子曰辭達而已矣師冕見及階子曰
階也及席也子曰席也皆坐子告之

曰其在斯其在斯師冕出子張問曰
與師言之道與子曰然固相師之道
也

論語季氏第十六

季氏將伐顓臾冉有季路見於孔子
曰季氏將有事於顓臾孔子曰求無
乃爾是過與夫顓臾昔者先王以爲

東蒙主且在邦域之中兵是社稷之
臣也何以爲伐冉有曰夫子欲之吾
二臣者皆不欲也孔子曰求周任有
言曰陳力就列不能者止危而不持
顛而不扶則將焉用彼相矣且爾言
過矣虎兕出於柙龜玉毀於櫝中是
誰之過與冉有曰今夫顓臾固而近於

費今不取後世必爲子孫憂孔子曰
求君子疾夫舍曰欲之而必更爲之
辭丘也聞有國有家者不患寡而患
不均不患貧而患不安蓋均無貧和
無寡安無傾夫如是故遠人不服則
修文德以來之既來之則安之今由
與求也相夫子遠人不服而不能來

也邦分崩離折而不能守也而謀動
干戈於邦內吾恐季孫之憂不在於
顛臾而在蕭牆之內也孔子曰天下
有道則禮樂征伐自天子出天下無
道則禮樂征伐自諸侯出自諸侯出
蓋十世希不失矣自大夫出五世希
不失矣陪臣執國命三世希不失矣

天下有道則政不在大夫天下有
道則庶人不議孔子曰祿之去公
室五世矣政逮大夫四世矣故夫三
桓之子孫微矣孔子曰益者三友損
者三友友直友諒友多聞益矣友便
辟友善柔友便佞損矣孔子曰益者
三樂損者三樂樂節禮樂樂道人之

善樂多賢友益矣樂驕樂樂佚遊樂
宴樂損矣孔子曰侍於君子有三愆
言未及之而言謂之躁言及之而不言
謂之隱未見顏色而言謂之瞽孔子曰
君子有三戒少之時血氣未定戒之
在色及其壯也血氣方剛戒之在鬥
及其老也血氣既衰戒之在得孔子

曰君子有三畏畏天命畏大人畏聖
人之言小人不知天命而不畏也狎
大人侮聖人之言孔子曰生而知之
者上也學而知之者次也困而學之
又其次也困而不學民斯為下矣孔
子曰君子有九思視思明聽思聰色
思溫貌思恭言思忠事思敬疑思問

忿思難見得思義孔子曰見善如不
及見不善如探湯吾見其人矣吾聞
其語矣隱居以求其志行義以達其道
吾聞其語矣未見其人也齊景公有
馬千駟死之日民無得而稱焉伯夷
叔齊餓于首陽之下民至于今稱之
其斯之謂與陳亢問於伯魚曰子亦

有異聞乎對曰未也嘗獨立鯉趨而
過庭曰學詩乎對曰未也曰不學詩
無以言鯉退而學詩他日又獨立鯉
趨而過庭曰學禮乎對曰未也不學
禮無以立鯉退而學禮聞斯二矣陳
亢退而喜曰問一得三聞詩聞禮又
聞君子之遠其子也邦君之妻君稱

之曰夫人夫人自稱曰小童邦人稱
之曰君夫人稱諸異邦曰寡小君異
邦人稱之亦曰君夫人也

論語卷第八

論語陽貨第十七

陽貨欲見孔子孔子不見歸孔子豚
孔子時其亡也而往拜之遇諸塗謂

孔子曰來予與爾言曰懷其寶而迷
其邦可謂仁乎曰不可好從事而亟
失時可謂知乎曰不可日月逝矣歲
不我與孔子曰諾吾將仕矣子曰性
相近也習相遠也子曰唯上智與下
愚不移子之武城聞絃歌之聲夫子
莞爾而笑曰割雞焉用牛刀子游對

曰昔者偃也聞諸夫子曰君子學道則愛人小人學道則易使也子曰二三子偃之言是也前言戲之耳公山弗擾以費畔召子欲往子路不說曰未之也已何必公山氏之之也子曰夫召我者而豈徒哉如有用我者吾其為東周乎子張問仁於孔子孔子

曰能行五者於天下為仁矣請問之曰恭寬信敏惠恭則不侮寬則得衆信則人任焉敏則有功惠則足以使人佛肸召子欲往子路曰昔者由也聞諸夫子曰親於其身為不善者君子不入佛肸以中牟畔子之往也如之何子曰然有是言也不曰堅乎磨

而不磷不曰白乎涅而不緇吾豈匏
瓜也哉焉能繫而不食子曰由也女
聞六言六蔽矣乎對曰未也居吾語
汝好仁不好學其蔽也愚好知不好
學其蔽也蕩好信不好學其蔽也賊
好直不好學其蔽也絞好勇不好學
其蔽也亂好剛不好學其蔽也狂子

曰小子何莫學夫詩詩可以興可以
觀可以群可以怨邇之事父遠之事
君多識於鳥獸草木之名子謂伯魚
曰女爲周南召南矣乎人不爲周
南召南其猶正牆面而立也與子曰
禮云禮云玉帛云乎哉樂云樂云鍾
鼓云乎哉子曰色厲而內荏譬諸小

人其猶穿窬之盜也與子曰鄉原德
之賊也子曰道聽而塗說德之棄也
子曰鄙夫可與事君與哉其未得之
也患得之既得之患失之苟患失之
無所不至矣子曰古者民有三疾今
也或是之亡也古之狂也肆今之狂
也蕩古之矜也廉今之矜也忿戾古

之愚也直今之愚也詐而已矣子曰
惡紫之奪朱也惡鄭聲之亂雅樂惡
利口之覆邦家者子曰予欲無言子
貢曰子如不言則小子何述焉子曰
天何言哉四時行焉百物生焉天何
言哉孺悲欲見孔子孔子辭之以疾
將命者出戶取瑟而歌使之聞之宰

我問三年之喪期已久矣君子三年
不為禮禮必壞三年不為樂樂必崩
舊穀既沒新穀既升鑽燧改火期可
已矣子曰食夫稻衣夫錦於女安乎
曰安女安則為之夫君子之居喪食
旨不甘聞樂不樂居處不安故不為
也今女安則為之宰我出子曰予之

不仁也子生三年然後免於父母之
懷夫三年之喪天下之通喪也予也
有三年之愛於其父母乎子曰飽食
終日無所用心難矣哉不有博奕者
乎為之猶賢乎已子路曰君子尚勇
乎子曰君子義以為上君子有勇而
無義為亂小人有勇而無義為盜子

貢曰君子亦有惡乎子曰有惡惡稱
人之惡者惡居下流而訕上者惡勇
而無禮者惡果敢而窒者曰賜也亦
有惡乎惡微以爲智者惡不孫以爲
勇者惡訐以爲直者子曰唯女子與
小人爲難養也近之則不孫遠之則
怨子曰年四十而見惡焉其終也已

論語微子第十八

微子去之箕子爲之奴比干諫而死
孔子曰殷有三仁焉柳下惠爲士師
三黜人曰子未可以去乎曰直道而
事人焉往而不三黜枉道而事人何
必去父母之邦齊景公待孔子曰若
季氏則吾不能以季孟之間待之曰

吾老矣不能用也孔子行齊人婦女
樂季桓子受之三日不朝孔子行楚
狂接輿歌而過孔子之門曰鳳兮鳳
兮何德之衰往者不可諫來者猶可
追已而已而今之從政者殆而孔子
下欲與之言趨而辟之不得與之言
長沮桀溺耦而耕孔子過之使子路

問津焉長沮曰夫執輿者為誰子路
曰為孔丘曰是魯孔丘與曰是也
曰是知津矣問於桀溺桀溺曰子為
誰曰為仲由曰是魯孔丘之徒與對
曰然曰滔滔者天下皆是也而誰以
易之且而與其從辟人之士也豈若
從辟世之士哉耰而不輟子路行以

告夫子憮然曰鳥獸不可與同群吾
非斯人之徒與而誰與天下有道丘
不與易也子路從而後遇丈人以杖
荷蓀子路問曰子見夫子乎丈人曰
四體不勤五穀不分孰爲夫子植其
杖而芸子路拱而立止子路宿殺雞
爲黍而食之見其二子焉明日子路

行以告子曰隱者也使子路反見之
至則行矣子路曰不仕無義長幼之
節不可廢也君臣之義如之何其廢
之欲潔其身而亂大倫君子之仕也
行其義也道之不行已知之矣逸民
伯夷叔齊虞仲夷逸朱張柳下惠少
連子曰不降其志不辱其身伯夷叔

齊與謂柳下惠少連降志辱身矣言
中倫行中慮其斯而已矣謂虞仲夷
逸隱居放言身中清廢中權我則異
於是無可無不可大師執適齊亞飯
千適楚三飯繚適蔡四飯缺適秦鼓
方叔入於河播鞞武入於漢少師陽
擊磬襄入于海周公語魯公曰君子

不施其親不使大臣怨乎不以故舊
無大故則不棄也無求備於一人周
有八士伯達伯适仲突仲忽叔夜叔
夏季隨季駟

論語卷第九

論語子張第十九

子張曰士見危致命見得思義祭思

敬喪思哀其可已矣子張曰執德不
弘信道不篤焉能為有焉能為亡子
夏之門人問交於子張子張曰子夏
云何對曰子夏曰可者與之其不可
者距之子張曰異乎吾所聞也君子
尊賢而容衆嘉善而矜不能我大賢
與於人何所不容我不賢與人將拒

我如之何其距人也子夏曰雖小道
必有可觀者焉致遠恐泥是以君子
不為也子夏曰日知其所亡月無忘
其所能可謂好學也已矣子夏曰博
學而篤志切問而近思仁在其中矣
子夏曰百工居肆以成其事君子學
以致其道子夏曰小人之過也必文

子夏曰君子有三變望之儼然即之也溫聽其言也厲子夏曰君子信而後勞其民未信則以為厲已也信而後諫未信則以為謗已矣子夏曰大德不踰閑小德出入可也子游曰子夏之門人小子當洒掃應對進退則可矣抑末也本之則無如之何子夏

聞之曰噫言游過矣君子之道孰先傳焉孰後倦焉譬諸草木區以別矣君子之道焉可誣也有始有卒者其唯聖人乎子夏曰仕而優則學學而優則仕子游曰喪致乎哀而止子游曰吾友張也為難能也然而未仁曾子曰堂堂乎張也難與並為仁矣曾

子曰吾聞諸夫子人未有自致者也
必也親喪乎曾子曰吾聞諸夫子孟
莊子之孝也其他可能也其不改父
之臣與父之政是難也孟氏使陽
膚爲士師問於曾子曾子曰上失其
道民散久矣如得其情則哀矜而勿
喜子貢曰紂之不善也不如是之甚

也是以君子惡居下流天下之惡皆
歸焉子貢曰君子之過也如日月之
食焉過也人皆見之更也人皆仰之
衛公孫朝問於子貢曰仲尼焉學子
貢曰文武之道未墜於地在人賢者
識其大者不賢者識其小者莫不有
文武之道焉夫子焉不學而亦何常

師之有叔孫武叔語大夫於朝曰子
貢賢於仲尼子服景伯以告子貢子
貢曰譬諸宮牆賜之牆也及肩闕見
室家之好夫子之牆也數仞不得其
門而入不見宗廟之美百官之富得
其門者或寡矣夫子之云不亦宜乎
叔孫武叔毀仲尼子貢曰無以爲也

仲尼不可毀也他人之賢者丘陵也
猶可踰也仲尼如日月也無得而踰
焉人雖欲自絕其何傷於日月乎多
見其不知量也陳子禽謂子貢曰子
爲恭也仲尼豈賢於子乎子貢曰君
子一言以爲知一言以爲不知言不
可不慎也夫子之不可及也猶天之

不可階而非也夫子之得邦家者所謂立之斯立道之斯行綏之斯來動之斯和其生也榮其死也哀如之何其可及也

論語堯曰第二十

堯曰咨爾舜天之曆數在爾躬允執其中四海困窮天祿永終舜亦以命

禹曰予小子履敢用玄牡敢昭告于皇皇后帝有罪不敢赦帝臣不蔽諂在帝心朕躬有罪無以萬方萬方有罪在朕躬周有大賚善人是富雖有周親不如仁人百姓有過在予一人謹權量審法度修廢官四方之政行焉興滅國繼絕世舉逸民天下之民

歸心焉所重民食喪祭寬則得衆敏則有功公則民說子張問政於孔子曰何如斯可以從政矣子曰尊五美屏四惡斯可以從政矣子張曰何謂五美子曰君子惠而不費勞而不怨欲而不貪泰而不驕威而不猛子張曰何謂惠而不費子曰因民之所利

而利之斯不亦惠而不費乎擇其可勞而勞之又誰怨欲仁而得仁又焉貪君子無衆寡無小大無敢慢斯不亦泰而不驕乎君子正其衣冠尊其瞻視儼然人望而畏之斯不亦威而不猛乎子張曰何謂四惡子曰不教而殺謂之虐不戒視成謂之暴慢令

致期謂之賊猶之與人也出內之吝
謂之有司孔子曰不知命無以為君
子也不知禮無以立也不知言無以
知人也

論語卷第十

泉南有佳士厥名曰阿佐并野一日
謂予云東京魯論之板者天下寶也
雖然離丙丁厄而灰燼矣是可忍乎
今要得家本以重鏤梓若何予云善
按 應神天皇御宇典經始來 繼
體天皇御宇五經重來自尔以降吾
朝儒家所講習之本藏諸秘府傳於

叔世也。唐本有古今之異乎家本
有損益之失乎年代寢遠不可獲而
測遂撰累葉的本以付與庶幾博雅
君子糾焉

天文癸巳八月乙亥

金紫光祿大夫拾遺清原朝臣宣賢法名宗允

南宗論語考異

○序太子太傅 一張右三行四行 瑯琊 一右七皇本正平
陸本太皆作大 瑯琊 本同陸本邢本作
琅 教之一左一正平本同一本何本 共王 同上邢本同
邪 皇本作教授之邢本作教授 共王 皇本正平本
恭 善者 一左七正平 訓說 二右二一本何 太守 二
三陸本 為訓說 二右三四一本何本皇本 太常 二右六
太作大 為義說 同上皇本義 傳受 二右七一本何 不為訓
大 為義說 同上皇本義 傳受 本邢本受作授 不為訓
解 同上皇本訓 善說 二左二邢 學而篇亦說 三右二皇
說 上有之字 悅 孝弟 三右四七皇本一本 其仁 三右七正平本同
本正平本 仁 三左一皇本 交而 三左二皇本正平 道千 三左
道作導 則弟 三左五皇本正 無友 四右三陸 子貢

四右五貢
或作贛
抑與四右六石
經作意予
求也四左一正平本同
諸本求下有之字
人

之同上正平
本無之字
之與同上皇本與
下有也字
不可四左六石
經無可字
宗也

五右一皇本
宗下有敬字
也已矣五右三皇本正平本同諸
本無矣字石經作已矣
子貢曰

同上皇本曰
樂道五右五石經皇本正
平本同諸本無道字
如磨五右六陸
本磨作摩

謂與同上皇本與
下有也字
者也五左一皇本正平
本同諸本無也字
知患已不

知人也五左一二正平本同皇本上知下有也
字並已字諸本無已字陸本無人字
○為政篇共

之五左五鄭本一
本何本共作拱
導之五左六七皇本正平
本同諸本導作道
志乎六右一
石經正

平本同皇本乎
作於諸本作于
縱心六右三正平本
同諸本縱作從
先生饌六左五鄭
本饌作餽

不愚六左七皇本
愚下有也字
則岡七右五正平本同諸本岡
作岡陸德明曰又作岡
已矣七右

六皇本正平本
同諸本無矣字
誨汝七右七皇本一本邢本
正平本同諸本汝作女
知為七左一
皇本知

下有
錯諸七左五鄭
本錯作措
臨之以莊則敬七左七皇本臨下
則下皆有民字

則民勸八右一皇本正平
本同諸本無民字
孝乎八右三石經皇
本陸本乎作于
政也

八右四皇本正平
本同諸本無也字
為為政也同上陸本正平本同陸德明
曰一本無一為字諸本無也

字
可知也八右六陸德明曰一本
作可知乎鄭本作可知
亦可知八左二正平
本同一本何

本皇本有亦字並知下也字
諸本無亦字知下有也字
無勇八左三正平本同
諸本勇下有也字
○八

侑篇雍徹八左七陸
本徹作撤
穆穆九右一皇本
諸本勇下有也字
汝不九右六皇
本正平本

同諸本汝作
女不作弗
楫讓九左二諸
本楫作揖
目盼九左三皇本朱本正
平本同諸本盼作盼

繪事九左四繪
又作續
予者九左五石
經無者字
足徵九左六正平本
同諸本徵下有

也
太廟十左二一本邢本正
平本同諸本太作大
汝愛十左六皇本正平本
同石經汝作女諸本

爾作
為諂十左七正平本同
諸本諂下有也字
問社十一右三鄭本並
張包周本社作主
以

栢十一右四皇本正平 栗也十一右五皇本正平 乎曰十一左

本同諸本無二字 邦君十一左二石 不知禮四皇本

也字 太師十一左五刑本正平 已也同上正平本同

本無 以成十一左六皇本 斯也十一左七皇本 道父

已字 十二右二正平本同 里仁篇為美十二左一正 得知

諸本道下有也字 智者十二左三皇本正平 唯仁同上皇

本同諸本 惡也十二左五七正 去也同上正平 見

唯作惟 好仁者十三右三石 仁矣十三右六皇本 足者同上

正平本者 之矣同上皇本正 人之十三右七皇本 已四十

下有也字 可矣十三左二石 比也十三左四皇本正平 不賢四十

右二皇本正平 貫之十四右三皇本正 勞而同上正

本知下有也字 又敬十四左一皇本 古者言之不出十四左

右六正平本 賢下有者字 敬下有而字 而

字 母在同上皇本正平 古者言之不出十四左

本古下有之字並不下妄字 公冶長篇縲綫十五

出下也字正平本亦有也字 女器十五左二一本何本 用佞十五

皇本陸本正 女器十五左二一本何本 於民同上正

正平本佞 以給十五左四正平本同 子說十五左六皇

下有也字 仁焉用佞十五左四五皇本正平 其賦

於字有民字 漆彫開十五左五皇本正平 子海同上皇本正 由與十五左七皇本正 論賦十六右三魯 女與十六左一一本何本皇 畫寢十六

左四韓氏筆解云
可彫 同諸本皇本正平本
朽也 右十七

陸本朽作巧
諸人 本十七右三正平
也已 右十七

皇本正平本已下有
未之 本同上有也字
唯恐 同韓氏

筆解唯
之文 十七左二諸本
而人 本十七左五皇

諸本無
藻梳 梳又作撥
其知 同皇本
何如

十八右一皇本正
崔子 論崔作高三魯
則曰 右十八

正平本如下有也字
違之至一邦 作違之至他邦諸本皇本
則知 右十八

下有又字
再思 本十八左一皇本正平
則知 右十八

一邦
裁之 平十八左五皇本正
乞醯 亦作醯

各曰 十九右三正平本
敝之 十九右四皇
學也

十九左三正平
本學下有者字
雍也篇南面 十九左五正平
太簡 右

一邢本正平本
問曰 同上皇本正平本
子曰 右

本正平本同
則吾 本無二字
冉求 平本求作有

諸本無子字
道也 本無也字
女畫 五皇本左

不說 同上皇本
女為 同上何本皇本女
母為 平本同諸本

汝作
女得 同上何本
耳乎哉 平本同朱本耳作

無母作
女為 同上何本
彬彬 又作份份

爾諸本
戶者 本同諸本無者字
問知 皇本知作

無哉字
知之 平本無之字
仁

人之 本無之字
子曰 本同諸本無子字
君子博學 三

者 本同諸本無者字
之也 同上皇本
仁

右六陸德明日
一本無君子字
不說 本說作悅
厭之 本三左二

如能 本三左三皇本正平
衆者 本三左四皇本正
○述而篇不脩不講能從能改 本四右五六皇本正

字 改下皆有也字諸本
從作徒正平本從同
燕居 本四右七鄭
周公 本四左二

皇本正平本
遊於 本四左三石經一本何本
無誨 本四左二

公下有也字
論誨作悔 示之 本四左五蜀石經皇本正平
則

吾 同 上皇本正平本
不復也 同上不或作弗
是日

北四左七皇本正
唯我 本五右一皇本正平
馮

平本 日下有也字
執鞭 本五右五
吾亦為之

河 作憑正平本
可求 本同上皇本正平
齊戰 本五

本 作陸德明曰一
本 求下有者字

右六齊
或作齋
韶樂 本五右七皇本正平
吾將 本二陸德

明曰一本
子曰 本五左三皇本正平
何怨乎 本五

無將字
左四皇本正平本
蔬食 本五左五皇本正平
學

同 諸本無乎字
雅言 本六右一韓氏
女奚 本六右三

易 論易作亦
將至 本六右四皇本正
敏而 本六右五

一本何本皇
皇本正平本
必得 本六右七邢本
我三 本三

諸本本敏而以
皇本唐石經陸本正
無我字

平本同諸本無陸本正
隱子 本六左三皇本正平
無行 本三

焉下有我字
知之 本七左三皇
對曰 本七左二

無下有所字
進之 本七左三皇
君子亦黨乎 本七左二

無對字
本同諸本
無下有所字

本無五字 君娶 同上皇本陸本正平 有得 北八右一

本得下 正唯 北八右三魯 疾病 北八右四鄭本 有也字 論正作誠 疾 何本陸本無病

字一本何本並 誅曰 廿八右五誅又 禱久 北八右六 諸本有病字 作誦或作譟

本禱下 不孫 北八右七皇本 蕩蕩 北八左一魯 有之字 正平本孫作遜 論蕩作湯

子温而厲 北八左一二陸德明曰一本作子曰 泰 厲作例皇本作君子今皇本無君字

伯篇無得 北八左六 貴乎 北九右七正 君子人 得亦作德 平本無乎字

也 本無入字 使驕且吝 北七皇本使上 也已 本無入字 有設字吝或作悵

同上皇本正平 也已 北一皇本正平 其政 北 本已下有矣字 本同諸本無已字

五皇本正平本 唯天唯堯 卅一右四韓氏筆解唯 亂 政下有也字 皆作惟邢本上唯作惟

臣 卅一右七一本亂作亂或作 婦人 卅一左一何 亂一本何本陸本無臣字 本婦上有一字

三分 卅一左二皇本 周德 卅一左三正平本同 間然 卅一左四

矣 卅一左四一本何 子罕篇文也 卅二左三正 太宰 卅二 本然下無矣字 平本無也字

左四正平本同 我者 卅二左六皇本正平 夫問 卅三右 諸本太作大 本同諸本無者字

夫下有 空空 卅三右三鄭 冕衣 卅三右五魯論冕作統 來字 本作性性 鄭本作弁鄉黨篇同

少者 卅三右六皇本正平 忽焉 卅三右七韓氏筆 未由 卅三左三正平本 本同諸本無者字 解邢本焉作然

同諸本未作末 矣哉 卅三左四一本 韞匱 卅四右二 善賈而沽諸 同上 一本何本賈 何本作哉矣

魯 卅四右五皇本正 回也 卅四左五正 者也 卅四右三正 反 卅四右四 本畏下 平本及下有於字 平本無也字

有也字 已矣 卅五右三皇本正 無說說而 卅五右五 作悅正平本 本同諸本無矣字

下說作悅 吾未 卅五右六諸 無友 卅五右七皇本正 皆 本同諸本無作

母

敝緼

卅五左二皇本陸

狐貉

同上正平本同諸本

當作

也與

卅五左三正

松栢

卅五左五皇本正平本

栢

後彫

同上皇本

知者

卅五左六皇

有哉

卅六右

正平本同諸

○鄉黨篇使擯

卅六左二陸德明日

其手

本無哉字

趨進

卅七右二皇本邢本正平本

本同諸本無其字

下如

卅七右三魯

有循

卅七右四正平

趨進誤也

衿締

卅七右六皇本正平本

而出

卅七右七皇本正

有之

狐貉

卅七左二正平本

齋必

卅七左四正平本

德明日

布也

同上正平本同

膾不

卅七左五

魚餒

或作齋

齋

卅七左七皇

唯酒

卅八右二朱

䟽

餒又作餒

臭惡

卅七左七皇

立作階

卅八右七左

食

同上皇本朱

瓜祭

卅八右六魯論瓜

齋如

同上

本同諸本

人儺

卅八右七魯

立作階

卅八右七左

諸本立下有於

拜送

同上正平本同諸

拜而受之

卅八左二陸德明日

敢嘗

同上正平本

先嘗

卅八左四

一本或無而之二字

賜生

卅八左五魯

拖紳

卅八左六

正平本同諸本

子見

同上皇本正平本

共

嘗下有之字

不容

卅九右二陸

子見

同上皇本正平本

陸本拖

不內顧

卅九右六魯

時哉時哉

卅九左一陸

共

作地

不內顧

卅九右六魯

時哉時哉

卅九左一陸

同上皇本

之

○先進篇者也

卅右四皇本正平

德

平本共作供

行

卅左二正平

昆弟

卅左二正平

德

本無

學不

卅左四正平本學下有

未聞好學者

卅左

考異七

五皇本正平本同但正平本

之車 册五左六正平本同

者下有也字諸本無五字

無擲 同上皇本正平本

不徒 册一右一皇本正

吾以 册一右二皇本正平

行也 同上皇本

子曰 册一右四皇本正平

誰為 册一

右五皇本正平

問死 册一左二正平

閔子騫 册一左

本為下有慟字

冉子 册一左四正平本

樂若 册一左五

正平本同諸

仍舊 册一左六魯

鼓瑟 册二右一皇本正平

子貢問 册二右三皇本

孰賢 同上皇本正平

不及 册二

右五皇本及

益之 册二右六皇

鼓而 册二右七皇

僻也嘖也 册二右七左一正平本同諸

億則 册二左二

作憶 踐迹 迹或作跡

行之 册二左六皇本正

以女 册三右四一本何本

敢死 册三右五韓氏

無吾

以 册三左七皇本正平本同

國間 册四右三正平

有之 諸本無作母鄭本以作已

足民 册四右七皇本正

敢能之 册四左一諸本無敢字

之撰 册四左四

僎 志也 册四左五陸

莫春 同上何本皇

得冠

同上皇本正平本

而歸 册四左七鄭

夫子 册五右三

皇本夫

子曰 同上皇本正平本

安見 册五右五

焉 之事如 册五右六皇本正平

之小之大 册五右七左

如之何 册五右

正平本同諸

之相 册五右

下有相字 ○顏淵篇克已 正平本 卅五左三皇本 卅八右五詁成

作仞正平本 斯可 同諸本無可字 卅六左一皇本 卅六左五皇本 卅八右五詁成

本正平本作已矣 可謂 卅六左一皇本 卅六左五皇本 卅八右五詁成

乎朱本作矣乎 已乎 同皇本 卅六左一皇本 卅六左五皇本 卅八右五詁成

之 已乎 同皇本 卅六左一皇本 卅六左五皇本 卅八右五詁成

諸本無 使民 卅七右三正平本 卅七右六皇本 卅八右五詁成

為字 本使作令 卅七右三正平本 卅七右六皇本 卅八右五詁成

右四皇本 正平本 同諸 不信 卅七右六皇本 卅八右五詁成

本日上有子貢二字 文為 卅七右六皇本 卅八右五詁成

之 鞞 卅七左二皇本 卅七左七皇本 卅八右五詁成

左三鄭本 皇本 正平 章末鞞 卅七左七皇本 卅八右五詁成

本同 諸本 飢作饑 辨惑 卅七左七皇本 卅八右五詁成

無也 其生其死其生 卅八右一皇本 卅八右五詁成

字 卅八右一皇本 卅八右五詁成

下也 卅八右一皇本 卅八右五詁成

平本 卅八右一皇本 卅八右五詁成

明日亦作焉得而食 折獄 卅八右一皇本 卅八右五詁成

左二倦 君子 同諸本無二字 帥而 卅八右一皇本 卅八右五詁成

亦作券 荀子 卅八左七皇本 卅八右五詁成

諸本而 尚之 卅九右五皇本 卅八右五詁成

作以 皇本 正平本 夫聞者 卅九左三皇本 卅八右五詁成

右四皇本 正平本 夫達 卅九左三皇本 卅八右五詁成

也 卅八右五詁成

已乎 卅八右五詁成

為兄 卅六左五皇本 卅八右五詁成

去兵曰 卅七 卅八右五詁成

年飢 卅七 卅八右五詁成

德也 卅七 卅八右五詁成

折獄 卅八右一皇本 卅八右五詁成

帥而 卅八右一皇本 卅八右五詁成

風也草也 卅九 卅八右五詁成

夫達 卅九 卅八右五詁成

尚之 卅九 卅八右五詁成

夫聞者 卅九 卅八右五詁成

問知 卅九 卅八右五詁成

錯諸 卅九 卅八右五詁成

母攻 卅九 卅八右五詁成

嚮也 卅九 卅八右五詁成

選衆 卅九 卅八右五詁成

是言 卅九 卅八右五詁成

是言 卅九 卅八右五詁成

是言 卅九 卅八右五詁成

是言 卅九 卅八右五詁成

是言 卅九 卅八右五詁成

而善導之不

五十五左二皇本正平本而下有以字諸本

字皇本正平本

無自

同上皇本朱本正平本同

篇無倦

五十五左七陸

迂也

五十一右六

其正

同上正

下有

所措

五十一左三

子曰

五十一左六皇本正

襁負

五十二右三

為哉

五十二右六正平

兄弟

也

五十二右七

冉有僕

五十二左三一

冉子

十五

三右三皇本邢本正平本

筆解內府本朱本子皆作有今朱本多作子

樂莫

五十三左四皇本正

可喪

十五

者說

五十三左七皇本

毋欲毋見

五十四右一二

皇本上母作無

直躬

五十四右四

稱孝稱悌

五十

三四皇本正平本同韓氏筆解考上悌

足算

五十四左七皇本正

惡之

五十五左一正

也

難悅

五十五左二正平

器也

五十五左三正平

之士

五十五左七

惇惇

五十六右二

怡怡如

同上諸

字皇本正平本

憲問篇克伐

五十六右七正

言遜

十五

六左三皇本正平

宮造

五十六左五

卑謹

五十七右

同諸本

脩飾

五十七右五正平本

蔬食

五十七左一

平本同諸

孟公綽

五十七左三

大夫

五十七左四皇

本蔬作疏

曰若

同上正平本同諸

之知

五十七左五一本

有也

其言其笑其取

五十八右五六皇本正平本一左

祗五十九右二邢本正 自經五十九右三 而莫同上

而下有 大夫僕五十九右四 子曰衛五十九右六皇

人字同諸本 無道同上皇本道 則其五十九左二皇本正

也難也五十九左三正平本無上也字 殺簡公同上

正平本殺作殺 陳恒殺五十九左四正平本殺同諸本作殺 二

三子五十九左五皇本正平本同諸本無二字章下告夫

無二三子者之二三子皇本正平本三上皆有二字諸本 欺也六十右二皇 為人

字六十右四正平 與之六十右五正 言之六十左二皇

本人下有也字 其行同上皇本正平 知者六十左三皇 方

人六十左四鄭 我夫我六十左五正平本同諸本上我

已無六十左六皇本正平本同一 不憶六十左七正

憶億 為是六十右一鄭本無 孔子對六十一右二

同諸本無對字 寮也六十一左三皇本正 辟世六十一左五

辟作石門石門 荷簣六十二

又作孔子 未之六十二右六

何脩己以敬 孫弟六十二左六七

弟皇本正平 為賊同上皇本賊 叩其六十三右一

將命同上皇本正平 居於六十三右二正 衛靈公篇

問陳六十三左一 絕糧六十三左三鄭本糧作 亦窮

六十三左四正平本女以 皇本正平女 一變

狍 六十四右三正平
參然 六十四右五皇本正
行也 六十四右二正

不與言 六十四右二正
知者 同上皇本知作

者也 六十五右一皇本正
之言 六十四左四正
之輅 六十五右二

而 六十五右四皇本正
矣乎 六十五右五
朱如 六十五左

二 諸本無而字
小慧 六十五左三魯
君子 六十五左四

以 六十五左五皇本
行之 六十六右四皇本
於人 十六

六 右五皇本正
人也 六十六右六
可譽 同上皇本

本 人下有也字
今則 六十六左二皇本正
忍亂 六十六左三

有 則字
人也 六十六左五皇本正
貧也 六十七右二

本無也字
知及 同上皇本
後其食 六十七右四皇本同諸

受而 六十七右七正平
後世 六十九右一
必更 六十九右二

席也 六十七左七正平
季氏篇邦域 六十八左一
為及

伐 六十八左二皇本正
於柙於積 六十八左六陸
離 六十九左一

無二於字正平
後世 六十九右一
必更 六十九右二

同諸本
修文 六十九右六皇本正
離 六十九左一

本折
邦內 六十九左二
在於 同上石經正平本

在 六十九左三石
便辟便佞 七十右六正平本
而

人 七十右七正平本
佚遊 七十左一
之躁 七十左

傲 同諸本導作道
之而 同上皇本正
語矣 七十一左四正
得而 七十

考異十二

六孺亦
作孺
辭之
同上皇本
正平本
期已
七十六左
一陸

夫稻夫錦於女
七十六左
五皇本
安下
錦下
皆有也
字皇本
女作汝
安

女
有曰字
正平本
有之字
子曰
七十六左
七正
子貢

曰
平本曰
上有問字
亦有惡乎子曰有惡
同上石經
無亦字
並

下惡
下流
石經
無流字
室者
七十七左
三魯論
室作宰
惡乎
七

七左四皇本
正
微以
同上鄭本
為智
同上皇本
正平
本同諸本
智作

知平本乎作也
不孫
七十七左
四六一本
何
則怨
七十七左
七皇
本怨上有
有字

四十而見惡焉
同上石經
微子篇殷有
七十八右
三韓氏筆解
殷

之邦
石經
邦作國
之曰
七十八右
七韓氏
筆解曰
上有子字
歸女

鄭本
歸作饋
之門
平本同
諸本
無二字
之衰可諫可

追
七十八左
四五石經
皇本
正平
本衰下
諫下
追下
皆有也
字
已而已而今之從政

者殆而
同上魯論
作期斯已
辟之
七十八左
正皇本
辟作避

之言
同上皇本
言
為誰
七十九右
一皇本
誰
曰是也

曰是知津矣
七十九右
二三皇本
正平本
上曰
上有對字
曰是也

誰曰
七十九右
四一本
曰是魯孔丘之徒與
同上陸
德明曰

一本
作子
是陸本
滔滔
七十九右
五皇本
作悠悠
諸本
載

孔注
作
辟人
七十九右
六皇本
士也
同上正平
本無也
字
辟

世
七十九右
七石經
皇
穰而
同上石經
行以告夫子

懶
七十九右
七左
一石經
同群
同上皇本
正平
本群下有
也字
與而

誰
七十九左
二
荷蓀
七十九左
四皇本
蓀作
植其秋

而芸 七十九左五六石
子路曰 八十右二朱子曰福刑
有國初時寫本路有

反子 之二字
之義 八十右三石
其廢之 八十右三四石經之
下有也字皇本正

可廢也
不行 八十右五皇本正
朱張 八十右六鄭
本朱作侏

其身 八十右七皇本正
斯而已矣 八十左二石
廢中

於河 八十左六皇本一本
報武 同上皇
本正平

於漢 同上皇本一本朱
于海 八十左七
一本何本

語魯公 同上正平本同
不絕 八十右
一石經陸

無求 八十一右二正
子張篇距之 八十一左
五石經皇

拒我距人 八十一左七八十二右一
能我突我 八十
一左

必文 八十二右七皇
儼然 八十二左一
皇本儼作嚴

洒掃 八十二左六一本何本洒
今

其唯 八十三右四皇本正
難也 八十
三左

者也 同上石經正
之甚 同上石
經之作

善也 八十三左七皇本正
未墜於地 十四右五石
經墜作墜一本

食焉 八十四右三皇本
譬諸宮牆 八十四左三石經皇本同諸本
諸作之正平本作譬諸宮牆也

夫子 八十四左四皇
牆也數

入不 八十四左五皇本正
如

自絕 八十五右三皇本正
為

日 八十五右二皇本正

伊 同上正平本同諸本
見 同上皇本陸本正平

何本無
於字
見 同上皇本陸本正平

其難下有能字
平本同諸本
聞諸 八十三左一
者也 同上石經正
難也 八十
三左

矣 八十二左四正平
洒掃 八十二左六一本何本洒
今

知八十五右六皇本及也八十五右七正夫子之

五左一正平道之八十五左二皇本竟曰篇無以八

本無之字有罪在八十六右四皇本正平本行焉八

六右三石得眾八十六左一皇本正平本同諸民說

本焉作矣問政同上皇本正平本出內八十七左一皇本

八十六左二正平本同皇其八十七右一皇本同正平本孔子曰不知命無以為君子也八十七左二朱本

本內其八十七右一皇本同正平本出內八十七左一皇本

章作納
本內
其
八十七右一皇本同正平本
孔子曰不知命無以為君子也
八十七左二朱本
無孔子魯論無此



跋語

古本論語泉南南宗寺所藏版

本家嚴叔淡州君平泉為時而

得也筆畫奇古如初唐人之隸

書相傳其啟清原宣賢所附細

川幽齋函齋附南宗也蓋清

原者吾邦博士家之一族稱

後

舟橋此書存何晏集解之題
有序而無解當時上本之由在
清原跋語中曰累葉的本以符與
據之則清原附阿佐井野以家
藏之本何佐井野以上本者也
然云附函氣者阿佐井野所
受刻即今南宗所藏者以附之

乎抑何佐井野所刻集解全
文而附之幽齋刪集解政刻以
附南宗乎且清原所附阿佐井
野之何在乎不可得而知也嘗
恨不得見其全本者久焉聞書
肆子鍾房藏正平版印囑獨之
其版亦脫數十枚按之間亦有異

同而字樣甚相似此也是所得
而為書庫中奇本者彼不知心
平我邦年號其以得朝鮮竟
疑為朝鮮年號也後良董價購
得舟橋手校正平全本同異所以
朱旁注每卷末有自記校若干
家本語并歲月其以家本不一所

謂累葉的本者雖不可悉得然據
之講求既得思過半矣吾亦以
為去庫中一珍珠也遂取校讎
旁及世所行集解根泊修足
利鈔本其餘若干本頗互有出
入而與皇本大同小異也為作考
異一篇翻刻本經及序跋以附之

以藏於家其傳寫之訛謬雖有易
辨不敢正而亂其本爾

文化辛未夏五月

仙石政和識



吉信天敬書



Faint bleed-through text from the reverse side of the page, including characters like '仙石' and '政和'.

